


Tafsiira Suuratu Az-Zumar-Kutaa-19

Description

Namni hundarra wallaalan eenyudhaa? Wanti hojii gaggaarii hojjatan hunda nama jalaa balleessu maalidhaa? Shukrii fi al-hamd jidduu garaagarummaa maaltu jiraa? Hiikni shukrii maali? Gaafiwwan kanniinif deebii asi gaditti ni arganna:



Jedhi, â€œYaa wallaaltoota! Sila Rabbiin ala wanta biraan akka gabbaru na ajajjuuâ€ Suuratu Az-Zumar 39:64

â€œYaa wallaaltoota!â€ kana jechuun haqiqaa wanta Rabbiif taâ€™uu qabuu fi haqiqaa sanamoota gabbaruu kanneen wallaalan. Jechi â€œwallaaltootaâ€ jedhu hiika â€œgowwootasaâ€ qabaachu dandaâ€™a. sababni isaas, yeroo garrii wallalummaan â€œgowwummaâ€ bsuuf ni barbaadama. Yeroo biraan immoo hiika â€œbeekumsa dhabuuâ€ qaba.

â€œSila Rabbiin ala wanta biraan akka gabbaru na ajajjuu?â€ Wanti Rabbiin ala gabbaramu jiraataa fi duâ€™aa, gaarii fi badaa, lubbu-dhabeeessa fi lubbu-qabeessa hunda hammata.

Faaydalee aayah tanaa keessaa:

Faaydaa 1ffaa: Gowwumma fi wallalummaa namoota Rabbiin ala wanta biraan gabbaruutti nama ajajanii! Namoonni Rabbiin ala wanta biraan gabbaruutti (waaqefachuutti) nama waaman gowwoota fi wallaaltoota. Sababni isaas, wanta nama hin fayyannee fi hin miinee gabbaruun (waaqefachuun) gowwummaa fi wallalummaa malee maal taâ€™uu dandaâ€™aa? Nama dhagaa gabbaruun maal jettaniin? Nama waliyyi, nabiyyi, malaykoota isa hin dhageenye fi dhimma isaa hin beekne gabbaruun maal jettuun?

Faaydaa 2ffaa-Rabbii oltaâ€™aa gabbaruun beekumsaa fi qajeelinna. Sababni isaas, Isaan ala wanta biraan gabbaruun wallalummaa fi jallinna erga taâ€™ee, Isa gabbaruun beekumsaa fi qajeelinna taâ€™aa.

Faaydaa 3ffaa-Mushrikoonni Nabiyyiin (SAW) Rabbiin ala wanta biraan akka gabbaruuf yaalaa kan turan erga taâ€™anii, hordoftoota Nabiyyii (SAW) irratti hoo yaalin isaaniiakkam taâ€™inna laataa? Dhugumatti Nabiyyii caalaa hordoftoota isaa Rabbiin ala wanta biraan akka gabbaran yaali guddaa godhu.

Faayda kana irraa faaydan biraan ni baha: namoota gara shirkii fi kufriitti waaman irraa of eeggannoo gochuu. Fakkeenyaf, Kiristaanota gara shirkii fi kufriitti nama waaman irraa of eeggachu. Kiristaanoni wanta dandaâ€™an hundaan Muslimoota jallisuu fi kiristaana gochuuf ni carraaqu. Kana yoo dadhaban wanti xiqqaan isaan gochuu dandaâ€™an, kiristaana keessa osoo seenu baatanillee Islaama keessaa isaan baasudha. Kuni yeroo ammaa ifa kan taâ€™eedha. Muslimoota gara Kiristaanatti waamuuf tamsaasa

(broadcast) cimaa ifa bahe dhaabaa akka jiran ni argita. Ergaalee xixxiqoo irraa kaasee hanga kitaabban gurguddaa gahuutti kitaabban baayâ€™ee barreessuun Muslimoota keessa raabsu. Ammas, ergaa kijibaa isaanitti namoota waamuuf gara biyyoota hiyyeyi fi dadhaboo taâ€™an deemuun dhaabbilee barnootaa, bashannanaa fi fayyaa ni ijaaru. Ergasii churchi ijaaru.[\[1\]](#)

Kanaafu, namni peenxen gowwoomu hin qabu. â€œJedhi, â€œYaa wallaaltoota! Sila Rabbiin ala wanta biraan akka gabbaru na ajajju?â€ Dhuqumatti ani wanta isin itti na waamtan yoo hojjadhe, addunyaa fi Aakhirah nan kasaara. Hojiin hundi na jalaa bada. Kanaafi itti aanse ni jedha:

وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لِئِنْ أَشْرَكْتَ لَيَحْبَطَنَ عَمَلُكَ
وَلَتَكُونَنَّ مِنَ الْخَسِيرِينَ



Dhuqumatti gara keetii fi gara warra siin duraatti â€œYoo Rabbiin wajjiin waan biraan gabbarate, dalagaan kee ni bada; warra kasaaran irraas taata.â€ [jechuun] beeksisni godhamee jira.â€ Suuratu Az-Zumar 39:65

Yaa Rasuula dhugumatti gara keeti fi ergamtoota siin dura turaniitti akkana jedhamuun beeksifame: Rabbiin waliin waan biraan yoo gabbarate, hojiin kee ni bada. Warra badanii fi kasaaran keessaa taata. Sababni isaas, shirkii waliin hojiin gaariin fudhatama hin argatu.[\[2\]](#)

Beeksisni kuni jalqaba nabiyyitti haa qajeelu malee namoota hundaaf kan taâ€™uudha. Rabbiin waliin wanta biraan gabbaruun (waaqefachun) shirkiidha. Fkn, namni sanamaaf gadi jedhu, kadhatu, qalma qaluu, sujuuda buâ€™u fi kkf hojjatu, shirkii hojjatee jira. Ammas, namni nama awwaalame kadhatu, silati seenuu, qalma qaluuf, gargaarsaa fi birmannaa irraa barbaadu, shirkii hojjatee jira. Ammas, namni Iyyasuus goofaadha jechuun kadhatu fi waaqefatu shirkii hojjatee jira. Namni kana hojjate, hojiin isaa hundi jalaa bada. Kaayyoo barbaade hin gahu.

Faaydaalee aayah tanaa keessaa:

- 1-shirkii hojii namni hojjatu hunda balleessa. Hojii gaarii hojjatuuf mindaa gaarii Rabbiin irraa hin argatu. â€œYoo Rabbiin wajjiin waan biraan gabbarate, dalagaan kee ni badaâ€
- 2-Guddinna shirkii-badii keessaa badii hundarra badaa taâ€™eedha. Kanaafi, hojii hunda balleessa.
- 3-Shirkiin addunyaa fi Aakhiratti kasaaraaf sababa taâ€™a. â€œwarra kasaaran irraas taataâ€ jedhu keessatti ni arganna.

4-Kaafiroonni addunyaa keessatti osoo buâ€™aa buufatanillee dhugaadhaan isaan addunyaa fi Aakhirah kan kasaaraniidha.[\[3\]](#) Yeroo isaanii guutuu wanta jaalalaa fi mindaa Rabbii isaaniif hin argamsiisne irattu dabarsuun kasaaru. Aakhiratti immoo qananii Jannataa guddaa san dhabuu fi adabbii ibiddaatiif of saaxiluun kasaaru. Namni kasaaraa kana hunda jalaa bahuuf maal gochuu qaba ree? Namni kasaaraa kana hunda jalaa akka bahuuf itti aanse akkana jechuun ajaja:



بِلِ اللَّهِ فَاعْبُدْ وَكُنْ مِّنَ الْشَّاكِرِينَ

â€œLakki, Rabbiin qofa gabbari. Galateefattoota keessaas taâ€™i.â€™ Suuratu Az-Zumar 39:66
 Kana jechuun shirkiin baaxila (soba) waan taâ€™eef shirkii dhiisii Rabbii oltaâ€™aa qofa gabbari.[\[4\]](#)
 Rabbiin ala wanta biraa akka gabbartuuf (waaqefattuuf) wanta kaafironni itti si waamaniif deebii hin deebisin. Jaalala Gooftaa keeti argachuuf fedhii guddaa yoo qabaatte, Rabbiin qofa gabbari.

â€œGalateefattoota keessaas taâ€™i.â€™ Kana jechuun qananii Rabbiin sirratti ooleef warra Isa galateefatan keessaas taâ€™i. Qananiwwan kanniin keessaas gurguddoon: Rabbii tokkicha gabbaruutti si qajeelchu, sanamaa fi wanta biraa gabbaruu irraa qulqullaâ€™uudha.[\[5\]](#)

Namni tokko osoo akkana jedhe: Sila galanni (shukriin) faarsu (al-hamd) dha. Yookiin isaan alaa?
Deebiin: Isaan lamaan (shukrii fi al-hamd) jidduu walii galaa fi adda bahuutu jira. Qananii argataniif deebii kennuu keessatti shukrii fi al-hamd walitti dhufu. Haala kana keessatti, al-hamd shukriidha. Sababni isaas, al-hamd arrabaan Rabbiin faarsuudha. Namni erga nyaata nyaate ykn dhugaati dhugee booda â€œAlhamdulillahâ€™yoo jedhe, dubbii kanaan shaakira (galateefataa) fi haamida (kan faarsu) taâ€™a. Qananiif deebii kennuu malee Al-Hamd Rabbiin amaloota guutuun ibsuun adda taâ€™a. (Kana jechuun qananii osoo hin argatin amaloota guutuun Rabbiin faarsun Al-Hamd taâ€™a.) Rabbiin Jiraataa Guddaa akka taâ€™ee fi wanta kana fakkaatanin yoo Isa faarsite, kuni al-hamd taâ€™a. Garuu shukrii miti. Sababni isaas, qananii argatteef deebii kennu miti. Tarii ibaadaa waan taâ€™eef akka shukriittis ilaalu dandeenya. *Qananii siif kenneef galata akka taâ€™uuf Rabbiif ajajamuun yoo dhaabbathee kuni shukriidha.*[\[6\]](#)

Gabaabumatti Al-hamd qananii argatanii dhiisanii Rabbii oltaâ€™aa arrabaan faarsudha. (Fkn, Alhamdulillah jechuu) Shukriin immoo qananii argatanii arrabaan, qaamaa fi qalbiin galata galchuudha. Kunis kan taâ€™u: qananiin Isarraa akka taâ€™e amanuu, arrabaan Isa faarsu, qalbiin Isaaf of gadi qabuu, wanta Inni jaallatu qananii saniin hojjachuu fi wanta Inni jibuu ittiin hojjachuu dhiisudha. Asirraa kaâ€™uun, shukrii â€œAlhamdulillahâ€™echuu qofa akka hin taane ni hubanna. Namoonni gariin wanta Rabbiin itti ajajee dhiisaa fi wanta Inni dhoowwe hojjataa arraba qofaan Alhamdulillah yommuu jedhan shukrii (galateefachuu) isaan irraa eeggamu galmaan waan gahan isaanitti fakkaata. Shukrin arrabaan Rabbii oltaâ€™aa faarsu, qalbiin itti amanuu, jaallachuu fi of gadi qabuu, fi qaaman wanta itti ajajaman hojjachuu of keessatti qabata.

﴿وَمَا قَدَرُوا اللَّهَ حَقَّ قَدْرِهِ وَالْأَرْضُ جَمِيعًا قَبْضَتُهُ وَيَوْمَ الْقِيَمَةِ﴾

﴿وَالسَّمَوَاتُ مَطْوِيَّتٌ بِيَمِينِهِ سُبْحَانَهُ وَتَعَالَى عَمَّا يُشْرِكُونَ﴾

â€œIsaan Rabbiin guddinna Isaaf malu hin guddifne (hin kabajne). Guyyaa Qiyaamaa dachiin guutuun qabaa Isaa keessa taati; samiiwwanis mirga Isaatiin maramtuudha. Inni qulqullaaâ€™e, waan isaan itti qindeessan irraas oltaâ€™e.â€™ Suuratu Az-Zumar 39:67

Mushrikoonni kunniin Rabbii oltaâ€™aa waliin yommuu wanta nama hin fayyannee fi hin miine gabbaran, guddinna Isaaf maluu hin guddifne. Makhluuqa (uumamaa) dadhabaa Khaaliqa Guddaan wal qixxeessan. Guddinna dandeetti Isaa irraa kan kaâ€™e Guyyaa Qiyaamaa dachiin hundii qabaa Isaa keessa taati. Akkasumas, samiin torbaniis harka mirkaa Isaatiin maramti. [7]

Guyyaa Qiyaamaa samiin akka galmeen ykn waraqaan maramutti ni maramti:

يَوْمَ نَطَوْيِ الْسَّكَمَاءَ كَطَبِ السِّجْلِ لِلْكُتُبِ كَمَا بَدَأْنَا أَوْلَ
خَلْقٍ نُّعِيدُهُ وَعَدْنَا عَلَيْنَا إِنَّا كُنَّا فَاعِلِينَ.

١٤٢

â€œGuyyaa samii akka barreessaan xalayaa (galmee) marutti marru [yaadadhu]. Akkuma uumama duraa jalqabnetti isa ni deebifna. [Kuni] waadaa Nu irra jiruudha. Dhugumatti Nuti ni hojjanna.â€ suuratu Anbiyaa 21:104

â€œInni qulqullaaâ€™e, waan isaan itti qindeessan irraas oltaâ€™e.â€

Rabbiin subhaanahu wanta mushrikoonni kunniin Isatti qindeessan irraa qulqullaaâ€™e, oltaâ€™e.

Rabbiin subhaanahu wa taâ€™aalaa wantoota lama irraa qulqulleessuun ni barbaachisa:

1ffaa-Fakkaataa fi shariika irraa Isa qulqulleessu,

2ffaa-hanqinnaa fi wanta Isaaf hin malle irraa Isa qulqulleessu.

Rabbiin fakkaataa fi shariika hin qabu. Wanti Isa fakkaatu tokkollee hin jiru. Kanaafu, Inni fakkaataa fi shariika qabaachu irraa qulqullaaâ€™e. Ammas, hanqinna akka rafuu, duâ€™uu, nyaachu, dhuguu, dadhabinnaa fi kkf irraa Rabbiin qulqullaaâ€™e. Akkasumas, wantoota Isaaf hin malle kan akka ilmaa fi niiti qabaachu irraa qulqullaaâ€™e oltaâ€™e. Namni yommuu â€œSubhaanallah (Rabbiin qulqullaaâ€™e), subhaana Rabbiyal aziim (Gooftaan kiyya Guddaan qulqullaaâ€™e)â€ jedhu, wantoota lamaan armaan olii irraa Rabbiin qulqulleessaa akka jiru haa yaadatu.

Kitaabban wabii:

- [1] [Tafsiiru Qurâ€™aanil kariim-Suuratu Zumar\(10MB\)](#)-fuula 438-439, Ibn Useymiin
- [2] [Tafsiiru Muyassar-465](#)
- [3] [Tafsiiru Qurâ€™aanil kariim-Suuratu Zumar-fuula 442](#)
- [4] [Madda olii-fuula 444](#)
- [5] [Tafsiiru Xabarii-20/244](#)
- [6] [Tafsiiru Qurâ€™aanil kariim-Suuratu Zumar-fuula 445](#)
- [7] [Tafsiiru Muyassar-465](#)

Date Created

March 13, 2020

Author

admin